



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesius

Sammieli, 1613

Quid beneficiu[m] & quotplex & qui conferant cap. 76. & 77.

urn:nbn:de:hbz:466:1-41701

quando defunt conditiones supra posita; quando vero sunt iusta debent solui, eademque est ratio quando certum non est esse iniustas, & qui secus facit tenetur ad restitutionem. At parati soluere si ne fraude, si non soluunt quia ab exactoribus non exiguntur, & mos est, ut exigantur, non tenentur ipsis exactoribus offerre, præcipue si parui sint momenti, aut corum iustitia dubia.

*Quid beneficium, & quotuplex, &
qui conferant. Cap. 76. & 77.*

Beneficium est " ius percipiendi fructus ex bonis Deo dicatis, clero propter diuinum officium competens. Et est quadruplex: quedam quæ habent animarum curam, & iurisdictionem exteriorem, ut Episcopatus, & aliquæ Abbatiae, ac Prioratus. Quædā

quæ neutram habent, ut beneficia simplicia & Capellaniæ. Alia habent quidem iurisdictionem, sed non animarum curam. Quartæ loco sunt, quæ curam animarum habent, sed non iurisdictionem, ut beneficia curata. Beneficium & præbenda differunt, nā illud tantum clericò, hæc etiam laico datur, qui Ecclesiæ inseruit vel est pauper, aut de Ecclesia benemeritus. Papa confert beneficia de plenitude potestatis. & ubique terrarū, Ordinarius de iure beneficia suæ Diæcesis, nisi in contrarium, statutum vel consuetudo aliqua extet, Capitulum vero per se quando ordinarius est suspensus, vel excommunicatus, vel sede vacante beneficium iuris patronatus, vel quod solebat cum Episcopo conferre, velsi habeat eius rei priuilegium aliquod. Datur autem beneficium quatuor modis, Collatione, Resignatione,

Electione, & præsentatione, ex quibus prior ad superiores personas tantum pertinet, alii etiam ad alios.

Quomodo quis alteri debeat dare beneficia. Cap. 78.

Conferens beneficia aliquo dictorū modorū, duo obseruare debet; primū, ut det gratis, & absque pretio alicuius rei pecunia æstimabilis, alias esset simonia. Alterum ut det iuste, & digno, id est sanctis moribus instituto, atque ad tale officium exercendum idoneo, alioquin peccaret conferens, & ad restitutio- nem teneretur Ecclesiæ facien- dam: Nee sufficit digno dare, si dignior adsit, nisi beneficium sit patrimoniale, aut ex propriis bonis constructum: tunc enim sufficit ut digno detur, altero digniori relicto: sed nec quando in aliis da-